

264* tion verso il Stado nostro, nè volse andar a servir il castelan di Mus con fanti 300, però li sia dato provision ducati 8 per paga a la Camera di Vicenza, a page 8 a l'anno. Fu presa. Ave: 167, 16, 4.

Fu posto, per li Savi, una letera a li rectori di Brexa, di certa differentia tra quelli di Orzinuovi et Chiari da una parte et li comuni et homeni di Montechiari, Carpenedolo, Pontevigo, Leno da l'altra, et atento una letera di la Signoria, di 28 Avosto passado, zerca l'estimo etc., la qual letera sia anulata et di novo si fazi. l'estimo. Con altre clausule, *ut in parte*. Ave: 160, 2, 1.

Fu posto, per li Savi loro , poi leto una letera di sier Andrea Valier proveditor a la Zefalonia, di 22 Octubrio, drizata a li Cai di X, che uno Domenego Magniavin, venuto contestabile con fanti in quella città, è di mala sorte inobediente, ha parenti in quel luogo et uno eugnà in terra ferma, li qual parenti è di primi, et si chiama *etiam* loro Magniavin, pertanto è bon levarlo de li. *Unde* messeno per il Colegio far uno altro contestabile a la Zefalonia, il qual zonto de li tegni li fanti menò el Magniavin, et lui vengi via. Fu presa. 152, 27, 4.

Fu posto, per tuto il Colegio, poi leto una supplication di uno Zuan Rechenich da Zara, atento li meriti soi, el qual con formenti fo mandato per il zeneral Pexaro a Monopoli, et ne lo andar fo sfondrato, perse il navilio et formenti per ducati 260, dimanda la expetativa dil priorà di San Marco di Zara, è *ius patronatus* dil Dominio nostro. Et messeno li fosse concessa. Fu presa. Ave: 141, 3, 4.

Fu posto, per li Consieri, Cai di XL et Savi, per expedir la materia di monaci di Corizuola, zerca le possession, fu comessa la causa a le Raxon Vechie con le apelation a la Quarantia, et cussi di la casa di S. Zorzi; pertanto *de praesenti* siano electi tre nobeli nostri de primari, a questo, et andar a li Consegii, i quali con li avvocati fiscali defendino le raxon di la Signoria, siano electi con pena di ogni loco et officio continuo, *ut in parte*. Fu presa. Ave: 163, 13, 1.

Fu posto, per i Savi tutti: Atento questo Conscio ha inteso per lettere dil capitano di le galie di Fiandra el partir di sier Julio Bragadin qu. sier Marco patron di una galia, lassando quella senza governo etc. Però sia preso, che 'l dito sier Julio sia comesso a li Avogadori, et in loco suo monti patron sier Domenego di Prioli qu. sier Michiel, che li piezi si contenta molto, et si 'l capitano di le galie ne avesse posto uno altro, sia levato; il qual sier Domenego habbi tutti li modi come patron. Ave: 142, 19, 6.

Fu posto, per li diti, che havendo sier Tadio Contarini qu. sier Nicolò, et sier Ziprian Malipiero et sier Lunardo Justinian qu. sier Unfrè, per la commissaria qu. sier Almorò Pixani, come piezi, provisto per il spazo di dita galia Bragadina, volendo rimeter in Fiandra ducati 4500, pertanto a li diti sia dà quella action contra li beni dil Bragadin che hanno li galioti, con questo, mandino la provision dil danaro fra termine de zorni 4, *aliter* questa parte sii de niun valor. Ave: 137, 8, 7.

Fu poi leta una letera di sier Zuan Batista Grimani patron di una galia di Fiandra, di Antona, et una scrittura in forma di commission a Zuan Morelo suo comesso de qu: che habbi ogni autorità dil suo per proveder di danari et mandarli de li per expedir la so galia, et non hessendo questa commission havendo il predito Zuan Morelo haver rimesso fin qui ducati le qual lettere fino 30 Zener non poteano esser zonte, però l'anderà parte, aziò possi proveder dil resto la dita scrittura dil Grimani, qual è provada esser de sua sia come commission valida, et tuti per commission la tegni, *ut in parte*. Fu presa. Ave: 147, 1, 5.

Fu posto, per i Savi tutti, una expeditione di l'orator di Arbe, vol, per condur un medico de li, li sia dà certo dacio de quella città, dil Et fo impedita, non fo balotada.

Electi tre nobeli sopra la differentia di monaci di (Corizuola), iusta la parte, con pena. 265

Sier Francesco Soranzo fo savio a Terra ferma, di sier	
Jacomo procurator . . .	64. 78
† Refudò Sier Marco Antonio Corner è di Pregadi, qu. sier Zuan .	104. 37
† Sier Domenego Trivixan fo avogador di Comun, qu. sier Zaccaria	90. 44
† Sier Marin Morexini fo avogador di Comun, qu. sier Polo	94. 44
Sier Francesco Contarini fo savio a Terra ferma, qu. sier Zacaria el cavalier . . .	87. 52
Sier Giacomo da Canal è di Pregadi, qu. sier Bernardo .	82. 59
Sier Hironimo da chà da Pexaro è di Pregadi, qu. sier Nicolò	89. 47